

UGOVOR

o pružanju usluga interventne sistematske deratizacije na području Kantona Sarajevo i Druge operativne (jesenje) faze obavezne preventivne sistematske deratizacije na području Kantona Sarajevo za 2015. godinu

I – UGOVORNE STRANE

Naručilac: KANTON SARAJEVO

Ministarstvo zdravstva
ul. Reisa Džemaludina Čauševića 1
koje zastupa ministrica Emira Tanović-Mikulec
(u daljem tekstu: **Naručilac**)

Izvršilac: "SANITACIJA" d.o.o.

ul. Malta broj 17, Sarajevo
koga zastupa direktor, Fahrudin Pašagić, san.ing.
(u daljem tekstu: **Izvršilac**)

Član 1.

Ovim ugovorom regulišu se prava i obaveze između Naručioca i Izvršioca, izabranog putem otvorenog postupka za vršenje usluga interventne deratizacije na području Kantona Sarajevo i Druge operativne (jesenje) faze obavezne preventivne sistematske deratizacije na području Kantona Sarajevo za 2015. godinu, a u skladu sa Odlukom Stručne službe za zajedničke poslove o izboru ponuđača «SANITACIJA» za izvođenje navedenih usluga broj: 17-14-17643-27 od 20.08. 2015. godine, kao i Ponudom izabranog izvršioca zaprimljenom pod brojem: 17-14-23015 od 18.08. 2015. godine, koji čine sastavni dio ovog ugovora.

Član 2.

Izvršilac se obavezuje da će usluge iz člana 1. ovog ugovora izvršiti prema uslovima utvrđenim Programom obavezne sistematske deratizacije, najdalje do 31.12. 2015. godine, a prema ponuđenoj i od strane ugovornog organa prihvaćenoj cijeni.

Član 3.

Izvršilac se obavezuje da će sve usluge koje zahtjeva Naručilac izvršiti uz obavezno poštivanje važećih propisa, standarda i normativa koji su Zakonom regulisani za poslove sistematske deratizacije.

Član 4.

Za sve izvedene usluge sistematske deratizacije i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručilcu dostaviti odgovarajuću dokaznu

dokumentaciju o ispravnosti i kvalitetu izvedenih usluga sistematske deratizacije, koja je uredno ovjerena od strane nadzornog organa.

Član 5.

Stručni nadzor nad izvođenjem usluga vršit će JU Zavod za javno zdravstvo Kantona Sarajevo preko svog ovlaštenog lica – Nadzorni organ. Nadzor nad izvođenjem usluga Zavod za javno zdravstvo Kantona Sarajevo će vršiti kontinuirano uz stalno prisustvo tokom izvođenja sistematske deratizacije.

Član 6.

Izvršilac daje garanciju na kvalitet izvedenih usluga, uz pružanje potpune garancije za ispravnost sredstva koja se koriste za sistemsku deratizaciju.

Za korištena sredstva Izvršilac mora posjedovati odgovarajuću dokumentaciju, kojom u svakom trenutku mora dokazati da je upotreba istih odobrena od strane nadležnih organa, te u odgovarajućim dozama bezopasna za ljude.

Član 7.

U slučaju naknadne pojave nedostataka u kvalitetu izvedenih usluga, a u okviru ugovorom predviđenih usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog Ugovora, Naručilac stiže pravo da za otklanjanje nedostataka angažuje drugog Izvršioca, a troškove angažovanja snosi Izvršilac usluga .

Član 8.

U slučaju naknadne pojave nedostataka u kvalitetu izvedenih usluga, čijim bi izvođenjem bili ugroženi životi ljudi ili prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvršilac to izbjegava Naručilac će postupiti na način predviđen članom 7. ovog Ugovora.

Član 9.

Potpisivanjem ovog Ugovora prihvataju se cijene pojedinih vrsta usluga koje su ponudene u ponudi zaprimljenoj pod brojem: 17-14-23015 od 18.08.2015. godine, kako slijedi:

Cijena bez PDV-a	102.564,10 KM
PDV	17.435,90 KM
Ukupno sa PDV-om	120.000,00 KM

Sastavni dio ovog Ugovora je ponuda zaprimljena pod brojem: 17-14-23015 od 18.08.2015. godine.

Član 10.

Izvršilac nema pravo na promjenu ugovorenih jediničnih cijena, po bilo kom osnovu i u tom smislu utvrđene jedinične cijene, smatraju se fiksnim i nepromjenljivim.

Član 11.

Ugovorne strane su se sporazumjele da Naručilac za izvršene usluge Izvršiocu plati ugovoreni, odnosno fakturisani iznos na: žiro račun broj: **137 042 50300545 63 – MOJA BANKA**.
Plaćanje će se izvršiti iz sredstava planiranih u Budžetu Kantona Sarajevo za 2015. godinu sa razdjela Ministarstva zdravstva- ekonomski kod 614300-tekući transferi neprofitnim organizacijama, KAN 011- Sprovođenje programa obavezne preventivne sistematske deratizacije u Kantonu Sarajevo

Član 12.

Fakturisanje usluga se vrši nakon izvršenja istih, uz ovjeravanje od strane nadzornog organa. Fakturisane usluge Naručilac će platiti Izvršiocu u roku od 180 dana od dana ispostavljanja fakture, uz priložen Izvještaj o utrošku sredstava i izvršenim uslugama od strane Izvođača, kao i Izvještaj o stručnom nadzoru od strane JU Zavod za javno zdravstvo Kantona Sarajevo, kao nadzornog organa, o izvršenoj deratizaciji.

Član 13.

Ovaj Ugovor stupa na snagu danom potpisivanja od strane ovlaštenih lica ugovornih strana i važi do ispunjenja ugovornih obaveza, odnosno do 31.12.2015. godine.

Član 14.

Izvršilac je kod izvršenja usluga odgovoran za:

- sprovođenje mjera tehničke zaštite tokom vršenja usluga,
- sigurnost objekta, stvari i ljudi za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih vršenjem usluga, a u skladu sa članom 20. Pravilnika o načinu obavljanja obavezne dezinfekcije, dezinsekcije i deratizacije ("Sl.novine FBiH" br. 81/14).

Član 15.

Izvršilac je obavezan vršenje predmetnih usluga, ako je to u skladu sa važećim propisima, prijaviti nadležnom opštinskom organu.

Član 16.

U slučaju da Izvršilac svoju ugovorenu obavezu ne izvrši u ugovorenom roku i u obimu iz prihvaćene ponude, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti radova za svaki dan zakašnjenja, a najviše do 5% od vrijednosti izvedenih usluga.

Član 17.

Prilikom pružanja ugovorom predviđenih usluga Izvršilac je dužan da otvori adekvatne obrasce za usluge koji potpisuje nadzorni organ, a na kraju odobrava nadzorni organ i Naručilac usluga. Nalog ovjeren na navedeni način predstavlja osnov za izdavanje fakture i čini njen sastavni dio.

Član 18.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim postupanjem čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

Član 19.

U slučaju spora po ovom Ugovoru, ugovorne strane će nastojati isti sporazumno riješiti, u skladu sa načelom dobrih poslovnih odnosa, a u protivnom saglasne su da prihvataju nadležnost Suda u Sarajevu.

Član 20.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.


**IZVRŠILAC: "SANITACIJA" DOO
SARAJEVO**



Fahrudin Pašagić
Fahrudin Pašagić, san. ing.

Broj: 15
05.11.2015

**NARUČILAC: KANTON SARAJEVO
Ministarstvo zdravstva**



Emira Tanović-Mikulec
Prim. dr Emira Tanović-Mikulec

Broj: 10-14-29066/15
Sarajevo, 04.11.2015. g.